



Universitätsbibliothek Paderborn

Praxis Episcopalis

In Qva Episcoporvm Non Tantvm, Eorvmqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolviones ... quàm brevissimè
continentur

Zerola, Tommaso

Coloniae Agrippinae, 1680

Decreta Sanctiss. in Christo Patris ac D. N. D. Innocentii Papae XI. in
Congregatione Generali sanctae Romanae & Vniversalis Inquisitionis
habita Feria 5. Die 2. Martii, 1679.

urn:nbn:de:hbz:466:1-10447

D E C R E T A

Sanctiss. in Christo Patris ac D.N.D. Innocentii Papæ XI. in
Congregatione Generali Sanctæ Romanæ & Universalis
Inquisitionis habita

FERIA 5. DIE 2. MARTII, 1679.

In Generali Congregatione Sanctæ Romanæ, & Universalis
Inquisitionis habita in Palatio Apostolico Vaticano coram
Sanctissimo D. N. D. Innocentio Divinâ Providentia Pa-
pa XI. ac Eminentissimis, & Reverendissimis Dominis
S. R. E. Cardinalibus in tota Republica Christiana contra
hæreticam pravitatem Generalibus Inquisitoribus à San-
cta Sede Apostolica specialiter deputatis.

Sanctissimus D. N. Innocentius
Papa XI. prædictus oviūm sibi
à Deo creditarum saluti sedul-
lō incumbens, & salubre opus
in segregandis noxiis doctrinarum pa-
scuis ab innoxijis, à fel. record. Alexan-
dro VII. Prædecessore suo inchoatum,
prosequi volens, plurimas propositiones
partim ex diversis, vel libris, vel
thesibus, seu scriptis excerptas, & par-
tim noviter aduentas Theologorum
plurium examini, & deinde Eminen-
tissimis, & Reverendissimis Dominis
Cardinalibus contra hæreticam pravi-
tatem Generalibus Inquisitoribus sub-
jecit. Quibus propositionibus sedulō,

& accuratè sèpius discussis eorumdem
Eminentissimorum Cardinalium, &
Theologorum votis per Sanctitatem
suum auditis. Idem Sanctissimus D.
N. re postea maturè considerata, sta-
tuit, & decrevit pro nunc sequentes
propositiones, & unamquamque ipsa-
rum, sicut jacent, ut minimū tam-
quam scandalosas, & in praxi pernicio-
sas, esse damnandas, & prohibendas;
sicuti eas damnat, & prohibet. Non
intendens tamen Sanctitas sua per hoc
Decretum alias propositiones in ipso
non expressas, & Sanctitati sua quomo-
dolibet, & ex quacumque parte exhib-
itas, vel exhibendas ullatenus ap-
probare.

1. Non

1. Non est illicitum in Sacramentis conferendis sequi opinionem probabilem de valore Sacramenti, relictâ tutiore, nisi id vetet lex, conventio, aut periculum gravis damni incurriendi. Hinc sententia probabili tantum intendunt non est in collatione Baptismi, Ordinis Sacerdotalis, aut Episcopalis.

2. Probabiliter existimo, Judicem p̄ se judicare juxta opinionem etiam minus probabilem.

3. Generatim dum probabilitate, sive intrinseca, sive extrinseca, quantumvis tenui, modò à probabilitatis finibus non exeat, consūt aliquid agimus, semper prudenter agimus.

4. Ab infidelitate excusabitur infidelis non credens ductus opinione minus probabili.

5. An peccet mortaliter, qui actum dilectionis Dei semel tantum in vita eliceret, condemnare non audemus.

6. Probabile est, ne singulis quidem rigorosè quinquenniis per se obligare præceptum charitatis erga Deum.

7. Tunc solùm obligar, quando tenemur justificari, & non habemus aliam viam, qua justificari possumus.

8. Comedere, & bibere usque ad satietatem ob solam voluptatem, non est peccatum, modò non obsit valetudini, quia lícet potest appetitus naturalis suis actibus frui.

9. Opus conjugii ob solam voluptatem exercitum, omni penitùs caret culpa, ac defectu veniali.

10. Non tenemur proximum diligere actu interno, & formaliter.

11. Præcepto proximum diligendi satisfacere possumus per solos actus externos.

12. Vix in Sæcularibus invenies, etiam in Regibus superfluum statui. Et ita vix aliquis tenetur ad eleemosynam, quando tenetur tantum ex superfluo statui.

13. Si cum debita moderatione facias, potes absque peccato mortali de vita alicujus tristari, & de illius morte naturali gaudere illam ineffaci affectu petere, & desiderare; non quidem ex displicentia personæ, sed ob aliquod temporale emolummentum.

14. Licitum est absoluto desiderio cupere mortem patris, non quidem, ut malum patris, sed ut bonum cupientis, quia nimur ei obventura est pinguis hæreditas.

15. Licitum est filio gaudere de parcidio parentis à se in ebrietate perpetrato, propter ingentes divitias inde ex hæreditate consecutas.

16. Fides non censetur cadere sub præceptum speciale, & secundùm se.

17. Satis est, actum fidei semel in vita elicere.

18. Si à potestate publica quis interrogetur, fidem ingenuè confiteri, ut Deo, & fidei gloriolum confulo, tacere; ut peccaminolum per se non damno.

19. Voluntas non potest efficere, ut assensus fidei in seipso sit magis firmus, quam mereatur pondus rationum ad assensum impellentium.

20. Hinc potest quis prudenter repudiare assensum, quem habebat supernaturalem.

21. Assensus fidei supernaturalis, & utilis ad salutem stat cum notitia solum probabili revelationis; immo cum formidine, qua quis formidet, ne non sit locutus Deus.
22. Non nisi fides unius Dei necessaria videtur necessitate medii, non autem explicita Remuneratoris.
23. Fides latè dicta ex testimonio creaturarum, similive motivo ad justificationem sufficit.
24. Vocare Deum in testem mendacii levis, non est tanta irreverentia, propter quam velit, aut possit damnare hominem.
25. Cum causa licitum est jurare sine animo jurandi, sive res sit levis, sive gravis.
26. Si quis, vel solus, vel coram aliis; sive interrogatus, sive propria sponte, sive recreationis causa, sive quocumque alio fine juret, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentionatur, nec est perjurus.
27. Causa justa utendi his amphiboliis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens, & studiosa.
28. Qui mediante commendatione, vel munere ad Magistratum, vel Officium publicum promotus est, poterit cum restrictione mentali praestare juramentum, quod de mandato Regis à similibus so-
- let exigi, non habito respectu ad intentionem exigentis, quia non tenetur fateri crimen occultum.
29. Urgens metus gravis est causa justa Sacramentorum administrationem simulandi.
30. Fas est viro honorato occidere invasorem, qui inititur calumniam inferre, si aliter haec ignominia vitari nequit; item quoque dicendum, si quis impingat alapam, vel fuste percutiat, & post impactum alapam, vel iactum fustis fugiat.
31. Regulariter occidere possum furem pro conservatione unius aurei.
32. Non solum licitum est defendere defensione occisiva, quæ actu possidemus: sed etiam ad quæ jus inchoatum habemus, & quæ nos possessuros speramus.
33. Licitum est tam hæredi, quam legatario contra injustè impedientem, ne vel hæreditas adeatur, vel legata solvantur, se taliter defendere: sicut & jus habenti in Cathedram, vel Præbendam contra eorum possessionem injustè impedientem.
34. Licet procurare abortum ante animationem fœtus, ne puella deprehensa gravida occidatur, aut infametur.
35. Videtur probabile, omnem fœtum, quādū in utero est, carere anima rationali, & tunc primum incipere eamdem habere, cùm paritur; ac consequenter dicendum erit, in nullo abortu homicidium committi.
36. Permissum est furari, non solum in extrema necessitate, sed etiam in gravi.
37. Famuli, & famulæ domesticae possunt

possunt occulte heris suis surripere ad compensandam operam suam, quam majorem judicant salario, quod recipiunt.

38. Non tenetur quis sub poena peccati mortalis restituere quod ablatum est per pauca furta, quantumcumque sit magna summa totalis.

39. Qui alium movet, aut inducit ad inferendum grave damnum tertio, non tenetur ad restitutionem istius damni illati.

40. Contractus Mohatra licitus est, etiam respectu ejusdem personæ, & cum contraktu retrovenditionis præviè initio, cum intentione lucri.

41. Cùm numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem à mutuatario exigere, & eo titulo ab usura excusari.

42. Usura non est, dum ultra sortem aliquid exigitur, tamquam ex benevolentia, & gratuitudine debitum, sed solum si exigitur tamquam ex justitia debitum.

43. Quidni non nisi veniale sit detrahentis auctoritatem magnam sibi noxiā falso crimine elidere?

44. Probabile est non peccare mortaliter, qui imponit falso crimen aliqui, ut suam justitiam, & honorem defendat. Et si hoc non sit probabile, vix illa erit opinio probabilis in Theologia.

45. Dare temporale pro spirituali non est simonia, quando temporale non datur tamquam premium, sed dumtaxat

tamquam motivum conferendi, vel efficiendi spirituale, vel etiam quando temporale sit solum gratuita compensatio pro spirituali, aut è contra.

46. Et id quoque locum habet, etiamsi temporale sit principale motivum dandi spirituale; imò etiamsi sit finis ipsius rei spiritualis, sic ut illud pluris aestimetur, quam res spiritualis.

47. Cùm dixit Concilium Tridentinum, eos alienis peccatis communicantes mortaliter peccare, qui nisi quos digniores, & Ecclesias magis utiles, ipsi judicaverint, ad Ecclesias promovent, Concilium vel primò videtur per hoc digniores non aliud significare velle, nisi dignitatem eligendorum sumpto comparativo proposito; vel secundò locutione minus propria ponit digniores, ut excludat indignos, non vero dignos; vel tandem loquitur tertio, quando sit concursus.

48. Tam clarum videtur, fornicationem secundam se nullam involvere malitiam, & solum esse malam, quia interdicta, ut contrarium omnino rationi dissonum videatur.

49. Mollities jure naturæ prohibita non est. Unde si Deus eam non interdixisset, sèpè esset bona, & aliquando obligatoria sub mortali.

50. Copula cum conjugata, consenteente marito, non est adulterium; adeoque sufficit in confessione dicere, se esse fornicatum.

51. Famulus, qui submissi humeris scienter adjuvat herum suum ascendere per fenestras ad stuprandum virginem, & multoties eidem subservit deferen-

ferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, putâ ne à Domino malè tractetur, ne torvis oculis aspiciatur, ne domo expellatur.

52. Præceptum servandi festa non obligat sub mortali, sepolito scandalo, si ablit contemptus.

53. Satisfacit præcepto Ecclesiæ de audiendo Sacro, qui duas ejus partes, imd̄ quatuor simul à diversis celebrantibus audit.

54. Qui non potest recitare Matutinum, & Laudes, potest autem reliquas Horas, ad nihil tenetur, quia major pars trahit ad sē minorem.

55. Præcepto Communionis annuæ satisficit per sacrilegam Domini mandationem.

56. Frequens confessio, & communio, etiam in his, qui gentiliter vivunt, est nota prædestinationis.

57. Probabile est, sufficere attritionem naturalem, modò, honestam.

58. Non tenemur Confessario interroganti fateri peccati alicujus consuetudinem.

59. Licet sacramentaliter absolvere dimidiatè tantum confessos ratione magni concursus Penitentium, qualis v. g. potest contingere in die magna alicujus Festivitatis, aut Indulgentiaz.

60. Penitenti habenti consuetudinem peccandi contra legem Dei, naturæ, aut Ecclesiæ, etiæ emendationis spes nulla appareat, nec est neganda, nec differenda absolutio; dummodò

ore proferat, se dolere, & proponere emendationem.

61. Potest aliquando absolvī, qui in proximâ occasione peccandi verlatur, quam potest, & non vult omittere, quinimò directè, & ex proposito quartit, aut ei se ingerit.

62. Proxima occasio peccandi non est fugienda, quando causa aliqua utilis, aut honesta non fugiendi occurrit.

63. Licitum est querere directè occasionem proximam peccandi pro bono spirituali, vel temporali nostro, vel proximi.

64. Absolutionis capax est homo quantumvis laboret ignorans à Mysteriis Fidei, & etiam si per negligentiam, etiam culpabilem nesciat Mysterium Sanctissimæ Trinitatis, & Incarnationis Domini nostri Iesu Christi.

65. Sufficit illa Mysteria semel credidisse.

Quicumque autem cujusvis conditionis, status, & dignitatis illas, vel illarum aliquam conjunctim, vel divisim defenderit, vel ediderit, vel de eis disputative, publicè, aut privatim tractaverit, vel prædicaverit, nisi forsitan impugnando, ipso factō incidat in excommunicationem latæ sententiaz, à qua non possit (præterquam in articulo mortis) ab alio quacumque etiam dignitate fulgente, nisi pro tempore existente Romano Pontifice absolvī.

Insuper districtè in virtute Sanctæ obedientiaz, & sub interminatione Divini Judicii prohibet omnibus Christifidelibus, cujuscumque conditionis, dignitatis, & status, etiam speciali, & speciali-

cialissima nota dignis, nè prædictas opiniones, aut aliquam ipsarum ad prædicta deducant.

Tandem, ut ab injuriosis contentiōnibus Doctores, seu Scholastici, aut alii quicumque imposterum se abstineant, & ut paci, & charitati consulatur, idem Sanctissimus in virtute Sanctæ Obedientiæ eis præcipit, ut tam in libris impri-

mendis, ac manuscriptis, quam in The-sibus, Disputationibus, ac Prædicatio-nibus caveant ab omni censura, & no-ta, necnon à quibuscumque conviciis contra eas propositiones, quæ adhuc inter Catholicos hinc inde controver-tuntur, donec à S. Sede recognita super iisdem propositionibus judicium profe-ratur.

Franciscus Riccardus, Sanctæ Romanæ & Universalis
Inquisitionis Notarius,

Loco † Sigilli:

Anno à Nativitate D. N. IESV CHRISTI millesimo sexcentesimo sep-tuagesimo nono, Indictione secunda, die vero 4. mensis Martij, Pontificatus autem Sanctiss. in Christo Patri, & D. N. D. In-nocentij, divina Providentia Papæ XI. anno tertio, supradictum Decretum affixum, & publicatum fuit ad valvas Basiliæ Principis Apostolorum, Cancellaria Apostolica, ac in acie Campi Floræ, ac in aliis locis solitis, & consuetu Vrbis per me Franciscum Perinum, ejusdem Sanctiss. D. N. Papa, & Sanctissima Inquisitionis Cursorem.



Prax. Episc. Pars II.

Z

INDEX